

虛空藏菩薩經

籍

保

护

九十八  
民十

47754



元祿九年丙子二月日重脩

皇圖聖圖 帝徽綴昌

佛日增輝 懋輪常轉

山城州天安寺法金剛院置

虛空藏菩薩經

姚秦罽賓三藏佛陀耶舍譯

如是我聞一時佛住佉羅底翅山依牟尼所住之處與無量大比丘衆復與無量無邊阿僧祇恒河沙數菩薩摩訶薩俱皆從他方異佛剎來今時世尊欲爲大衆說四辯才三

明梵行住破惡業障陁羅尼經今時西方過八十恒河沙世界有一佛剎名一切香集依其中衆生成就五濁彼國有佛名勝華敷藏如來應正遍知明行足善逝世間解無上士調御丈夫天人師佛世尊彼佛今正爲諸大衆轉妙法輪彼有菩薩摩訶薩名虛空藏已

從彼佛聞深妙法得諸禪定時彼菩薩見於  
他方無量無邊阿僧祇數諸大菩薩身昇虛  
空往詣東方又復遙見東方世界有大光明  
即便往詣勝華敷藏佛所頭面禮足繞百千  
匝胡跪合掌而白佛言世尊我見他方無量  
無邊阿僧祇數諸大菩薩身昇虛空往詣東  
方又復遙見東方世界有大光明以何因緣  
而有斯事唯願為我具解說之時勝華敷藏  
佛告虛空藏菩薩言善男子東方去此過八  
十恒河沙世界有一佛刹名曰娑婆其中衆  
生成就五濁彼國有佛名釋迦牟尼如來應  
供正遍知明行足善逝世間解無生士調御

丈夫天人師佛世尊今者在於佉羅底翅山  
依牟尼仙所住之處爲令法流不斷絕故爲  
令三寶常住世故爲降諸魔建法幢故爲閉  
生死關般涅槃故爲諸菩薩及以聲聞諸來  
大衆欲說四辯才三昧梵行住破惡業障陀  
羅尼經故欲令十方諸佛刹土一切菩薩從  
歡喜地乃至補處住不共法不隨他信善於  
方便具無礙辯如此大士悉雲集故是以彼  
佛放斯光明其諸菩薩見此光已乘虛而往  
至彼惡世爲諸衆生說破惡業障陀羅尼彼佛  
國土亦具五濁與此世界等無有異汝今應  
往娑婆世界禮拜供養聽受正法并爲彼國

諸惡衆生說破惡業障陀羅尼時虛空藏菩薩摩訶薩聞佛語已歡喜踊躍與八十億菩薩同時發聲而白佛言世尊我今渴仰欲見彼佛今當承佛威神詣娑婆世界釋迦牟尼佛所禮覲供養聽受正法亦為彼國諸惡衆生說破惡業障陀羅尼時勝花敷藏佛答虛空藏菩薩摩訶薩言善哉善哉汝自知時時虛空藏菩薩摩訶薩即與八十億菩薩俱頂禮佛足身昇虛空詣娑婆世界爾時西方有如意寶珠光現以無量釋迦毗楞伽寶而為圍繞其珠光明蔽於一切人天八部聲聞菩薩日月星辰地水火風界所有光明皆不復

現時會大衆唯覩佛光及以珠光無量無邊  
不可思議不可言說無復餘色唯見虛空亦  
時如來光相照曜時會大衆各不自見亦不  
見他一切諸色悉滅無餘不與眼對不得自  
身色相形貌及於所觸無彼無此亦無中間  
隨所視方皆悉如是亦復不見日月星宿地  
界水界火界風界悉皆無有與眼對者耳不  
聞聲鼻不嗅香舌不知味身不覺觸諸心數  
法亦無所緣於我我所無復起相亦無六入  
分別之想不得諸大諸來大衆唯見佛光及  
以珠光其珠純以無量釋迦毗楞伽寶而爲  
圍繞於其會中諸大菩薩位登十住得首楞

嚴三昧及一生補處者見此相已身心安隱  
不驚不怖所以者何緣解法相自性真實及  
以於如第一義空故其餘菩薩及聲聞衆天  
龍夜叉軋闍婆阿脩羅迦樓羅緊那羅摩睺  
羅伽鳩槃荼餓鬼毗舍遮富單那迦吒富單  
那人非人等見此相已驚怖迷悶其心擾亂  
各不相見亦無問處心自思惟不知何緣有  
此異相亦復不知是誰神力尔時衆中有一  
菩薩摩訶薩名曰梵頂稽首佛足長跪合掌  
而說偈言

一切法自性

衆生無知者

繫著於色陰

六情所愚惑

不見於一陰

推尋求色陰



於佛法生疑

今會有此人

願說決定法

為斷諸疑網

使知彼此岸

逮得虛空忍

勇健入三昧

身相不可說

如意大寶珠

常在其頂上

釋迦毗楞伽

而以圍繞之

此會諸大士

位皆十地者

得首楞嚴定

及一生補處

斯等諸菩薩

悉皆遙見之

觀此瑞相已

必知勝士來

禮覲無上尊

因說深妙法

安慰怖眾生

歸依天人師

勇猛所行處

教化熟眾生

今時世尊而說偈言

善哉如汝說

定者所行處

身相不可見

修慧能推求

此是虛空藏

常所行止處

無依無戲論

三昧力示現

衆生著二見

常爲所迷惑

以彼迷惑故

不知彼此岸

欲離於二見

脩不可說行

速疾得究竟

滿足於諸地

復次善男子初發心菩薩摩訶薩初可說相

及攀緣相脩六波羅蜜乃至知於地水火風

虛空及識生滅之相如實之性復知諸法不

可言說無有自性無生無滅無有攀緣不動

不搖空無所有一切諸法如是脩行離斷常

見不生怖畏於一切法不起觸想心無攀緣

空無所有如是脩行速疾具足六波羅蜜更

不復住斷常見中當於如來說此語時一切

大衆見聞覺知如本色像而於境界不取其相  
相介時世尊即伸右手拍於西方而作此言  
如斯光瑞是虛空藏菩薩摩訶薩欲來之相  
是菩薩具諸三昧猶如大海住菩薩戒如須  
彌山忍辱之心猶如金剛精進勇猛猶如疾  
風智如虛空慧如恒沙諸菩薩中如大勝幢  
向般涅槃之大導師善根之地是貧窮者吉  
祥之瓶入闇者日失道者月是怖畏者所歸  
依處煩惱焦熱甘露之水善根者杖般涅槃  
橋生天者梯度生死船由曠路乘誹謗惡口  
熱惱者蓋降諸外道猶如師子能淨諸見猶  
如雨水破煩惱怨猶如霹靂毀戒者藥生善

根芽猶若春澤在嚴菩薩猶如花鬘顯善惡  
行猶如明鏡無慚愧者上妙衣服三苦病者  
之大良醫是熱渴者明月之珠疲極者牀具  
諸三昧猶如日珠趣菩提路大牛之車遊禪  
定者清涼花池助菩提鬘波羅蜜果是十地  
中如意摩尼是求首楞嚴者波利質多羅樹  
伐惡見刀斷煩惱習猶如金剛降伏諸魔生  
諸功德智慧寶藏依於一切諸佛功德是諸緣  
覺所依窟宅是聲聞眼生天者明行邪道者  
正直之路是畜生歸餓鬼之怙是地獄救一  
初衆生無上福田三世諸佛第一輔且能護  
法城已具莊嚴十八不共諸佛秘藏滿足成

就佛之智慧一切人天所應供養唯除如來  
餘無及者汝等大衆皆應深心恭敬奉迎虛  
空藏菩薩摩訶薩隨力所能應以妙寶幢幡  
傘蓋花香纓珞秣香塗香衣服卧具歌唄讚  
歎平治道路種種莊嚴尊重供養汝等大衆  
皆亦應成如是功德器尔時大衆有從座起  
向虚空藏菩薩所現瑞方踊躍歡喜顏貌怡  
悅端目專注俱共奉迎餘菩薩摩訶薩及大  
聲聞天王龍主夜叉王乾闥婆主阿脩羅主  
迦樓羅主緊那羅主摩睺羅伽主五通仙人  
主各作是念我等當辦何等最上最妙供具  
而以供養彼大士耶尔時虚空藏菩薩摩訶

薩即以神力變娑婆世界除衆穢惡及諸丘  
山瓦礫荆棘坑坎埠阜曠野險隘風塵雲霧  
皆悉澄霽七寶爲地平坦如掌無量衆寶以  
爲林樹枝葉花菓皆以寶成名花軟草亦復  
如是香氣芬烈普熏世界娑婆界中一切衆  
生無諸苦患盲聾瘖瘂癩殘百疾一時除愈  
其怨惡者咸生慈心地獄餓鬼諸楚痛聲皆  
悉休息飲食衣服莊嚴之具自然豐足其諸  
衆生妙色端正枝節具足威德第一除諸結  
使心得寂靜於諸善根深生欣樂以清淨信  
安住三寶一切大衆兩手皆有如意摩尼於  
其珠內出大光明遍照世界并奏天樂雨種

種寶雜色寶衣又雨種種妙莊嚴具寶鬘寶  
蓋種種寶器種種天衣金鎖瓔珞真珠瓔珞  
青紅赤白雜色蓮花雨沉水香牛頭栴檀遍  
滿世界其路兩邊有七寶臺如帝釋殿又其  
臺中嫫女盈滿顏貌端嚴猶如魔后作天妓  
樂出五音聲又於佛上有天七寶大梵王蓋  
懸處虛空供養如來其蓋周圍百千踰闍那  
復以寶網羅覆其上真珠毗帶垂飾四面蓋  
中演出種種樂音清妙和雅超絕人天一切  
大地草木叢林花菓枝葉皆出妙聲宣暢大  
乘六波羅蜜諸地行法聞其聲者於無上道  
皆不退轉亦有逮得無生忍者尔時大衆見

虛空藏菩薩摩訶薩神變奇特心生歡喜歎  
未曾有各作是念此菩薩摩訶薩既現如斯  
大神通力不久必來至此世界我等今者當  
設何座以供待之當於衆會作此念時即於  
佛前有寶蓮花從地踊出白銀爲莖黃金爲  
葉金剛爲臺琉璃爲實碼碯爲鬚梵色寶珠  
以爲鬚本頗梨爲藥其華縱廣百踰闍那有  
八十億諸寶蓮花周匝圍遶尔時虛空藏菩  
薩忽然在彼寶蓮花上結加趺坐又見頂上  
如意寶珠以無量釋迦毗楞伽寶而爲圍遶  
其八十億菩薩各各坐餘寶蓮花上  
尔時弥勒菩薩摩訶薩即便說偈問藥王菩



薩摩訶薩言

我自從昔來

先圍遶恭敬

云何此大士

而坐寶蓮花

尔時藥王菩薩摩訶薩以偈答曰

此大智慧士

而來見世尊

尔時彌勒菩薩摩訶薩復以偈問

若不見衆生

諸法真實際

唯願為演說

見諸菩薩衆

頭面接足禮

現斯神通力

不脩菩薩儀

善住深妙法

不依妄想心

及其以諸法相

云何而示現

自在神通力

除我此疑惑

其心安住

有來覲世尊

然後退就坐

不脩菩薩儀

不依妄想心

及其以諸法相

云何而示現

自在神通力

除我此疑惑

其心安住

其心安住

其心安住

尔時藥王菩薩摩訶薩復以偈答

今此大士夫

勇健入方便

為熟衆生故

現此神通力

若不住實際

愚惑諸凡夫

明智開俗諦

為入真諦故

尔時世尊告藥王菩薩摩訶薩善哉善哉善男子如汝所說一切凡夫衆生不能思量一

須陁洹解脫行處一切衆生得須陁洹不能

思量一斯陁舍解脫行處一切衆生得斯陁

舍不能思量一阿那含解脫行處一切衆生

得阿那含不能思量一阿羅漢解脫行處一

切衆生得阿羅漢不能思量一辟支佛解脫

行處一切衆生成辟支佛不能思量一與般

若波羅蜜相應菩薩摩訶薩方便行處成就  
衆生一切衆生得般若波羅蜜相應菩薩摩  
訶薩方便行處成熟衆生不能測量乃至得  
無生法忍菩薩摩訶薩舉足下足方便行處  
及解第一義諦成熟衆生一切衆生得無生  
法忍菩薩摩訶薩方便行處及解第一義諦  
成熟衆生不能測量得四辯才菩薩摩訶薩  
舉足下足方便行處及解第一義諦成就衆  
生一切衆生得四辯才菩薩摩訶薩方便行  
處及解第一義諦成熟衆生不能測量任般  
若波羅蜜究竟首楞嚴三昧菩薩摩訶薩舉  
足下足方便行處及解第一義諦成熟衆生

善男子是虛空藏菩薩摩訶薩已無量劫得  
無生忍具無礙辯究竟滿足首楞嚴定住最  
上地決定堅固終無傾動善知衆生深心所  
行應覩神變莊嚴之事又復應見虛空藏菩  
薩摩訶薩欲來瑞相又有見虛空藏菩薩摩  
訶薩得離欲地住地入地故示入無邊空處  
三昧於西方沒而來現此時諸衆生怖畏惑  
亂入於俗諦現大莊嚴爲欲成熟諸衆生故  
又善男子是虛空藏菩薩摩訶薩若現第一  
義諦無生莊嚴諸天及人乃至八地菩薩皆  
當迷悶無能見其境界行相善入如是深妙  
功德善男子虛空藏菩薩摩訶薩巧方便慧

深入一切諸佛法海離諸疑惑不依他故智  
慧善巧於諸菩薩摩訶薩中最上幢王善男  
子虛空藏菩薩是一切衆生生天般涅槃大  
明導主能斷一切煩惱心患善治身毒及四  
大病若有衆生起惡邪見轉迴迷沒生死曠  
野無善方便不知生天般涅槃路若有衆生  
稱虛空藏菩薩摩訶薩名至心歸命燒堅黑  
沉水及多伽羅香恭敬禮拜時虛空藏菩薩  
觀此衆生心心善根若見衆生諸見煩惱之  
所惑亂若見過去善根種子心所行業於佛  
法僧布施持戒忍辱精進禪定智慧及餘功  
德隨所堪能時虛空藏菩薩摩訶薩觀彼衆

生隨所應見於其夢中現種種形即以方便  
而爲說法善男子若有衆生應於寤覺見虛  
空藏菩薩摩訶薩即於目前見種種形即以  
方便開正直道破諸衆生惡業邪見惡願惡  
歸惡處惡取如是計著悉令解脫身口意業  
無諸邪曲趣正直道正業正見正願正歸正  
處正取常獲親近諸善知識速疾捨離臭結  
煩惱永免三塗八難之苦常行善業得自在  
力乃至漸漸入深法忍若諸衆生種種身病  
及心狂亂聾盲瘖瘂手足拘攣諸根不具稱  
虛空藏菩薩摩訶薩名至心歸命燒堅黑沉  
水及多伽羅香恭敬禮拜或從乞藥或願除

愈時虛空藏菩薩摩訶薩即隨其願或現梵  
天像或現釋提桓因像或現毗沙門像或現  
四天王像或現焰摩天像或現兜率陀天像  
或現自在天像或現大自在天像或現婆羅  
門像或現刹利像或現長者像或現居士像  
或現大巨官屬像或現童男童女像或現父  
母親屬像或現執金剛像或現天龍夜叉  
乾闥婆阿脩羅迦樓羅緊那羅摩睺羅伽人非  
人像現如是等種種諸像在於夢者及寤者  
前爲說病相并爲分別諸藥對治病狀如此  
應服此藥若如是病宜服彼藥諸衆生等既  
聞說已各隨所應而合諸藥若自無者菩薩

悉與是諸衆生或有一服二服三服衆病皆  
愈或有但見所現之身病即除者如是善男  
子是虛空藏菩薩摩訶薩具大慈悲若有衆  
生貧窮困苦欲求大富欲多誦習欲樂多聞  
欲求解脫欲求離欲欲求禪定欲求名稱欲  
得第一欲求善巧欲得自在欲得端正欲求  
好色欲得妙聲欲求好香欲得上味欲求好  
觸欲得飲食欲求勇健欲得種姓高貴欲願  
生男欲願求女欲得眷屬欲求福德欲得成  
就六波羅蜜欲得巧言欲求覆護一切衆生欲  
得免脫一切牢獄欲斷一切諸惡律儀有施  
心者願建立之乃至智慧亦復如是欲得長



壽欲願多財得已能用欲令慳者能行布施  
其毀禁者令堅持戒若瞋恚者令脩忍辱其  
懈怠者使任精進散亂心者教脩禪定其愚  
癡者令脩智慧不定乘者勸學聲聞著我衆  
生教緣覺乘若有衆生離大慈悲自惜己身  
捨諸衆生願離此心生大慈悲不自護身攝

取衆生發阿耨多羅三藐三菩提心善男子  
時虛空藏菩薩摩訶薩知彼心已即現方便  
令此衆生捨離先心起大慈悲不護己身不  
捨衆生發菩提心住四梵行若有衆生樂大  
慈悲欲求救濟一切衆生欲願安住阿耨多  
羅三藐三菩提於阿練若處若在林中若於

露地燒堅黑沉水多伽羅香合掌恭敬向於  
十方五體投地至心歸命虛空藏菩薩摩訶  
薩而便說此陀羅尼呪

阿蜜栗舍阿蜜栗舍 迦樓尼迦 遮羅遮

羅毗薄履反遮羅珊素干反遮羅 迦樓尼迦

羅母羅母 母樓力斗反鞞步見反迦皆同陀履

摩目佉去佐反浮樓閣婆步可反柰迦樓尼迦真

多摩尼富羅邪迦樓尼迦薩埵都果反舍迷

莫音讀之他跛夜 阿若而夜反陀梨跽怖得反下同

鈴巨耽反跽鈴羅底都履反毗鞞迦鈴臺徒履

栗致毗鞞迦鈴 迦樓尼迦 否方久反梨

夜闍磨磨武佐反阿奢始迦反薩埵跛履 波迦

夜阿輸迦

反居左

伽

反巨左

底

娑婆呵

善男子是虛空藏菩薩摩訶薩或現天像或示人像或麀鹿像或為鳥像或不現形隨彼所應以諸方便而為說法化度無量那由他百千衆生令住聲聞乘辟支佛乘及住大乘又於少時建立衆生住於大乘得阿鞞跋致乃至令得諸深三昧及陀羅尼滿足十地者善男子是虛空藏菩薩摩訶薩具大慈悲若人思量乃可能知虛空邊際無能測量虛空藏菩薩摩訶薩智慧方便大慈大悲及三昧力成熟衆生之邊際者善男子是虛空藏菩薩摩訶薩成就如是不可思議功德智慧善

男子若有衆生心無諂曲亦不幻僞其心純  
至順入正流所見真實不譏彼闕不自矜高  
不畀他人離諸嫉妬不自顯異矯惑衆人心  
本具足善男子是虛空藏菩薩摩訶薩憐愍  
此等諸衆生故以方便智勇猛精進脩善方  
便除滅此等諸衆生罪今發阿耨多羅三藐  
三菩提心一切善根皆悉迴向無上菩提得  
不退轉獲大勢力及精進力為欲滿足六波  
羅蜜故常勤脩習大慈大悲乃至究竟得阿  
耨多羅三藐三菩提善男子是虛空藏菩薩  
摩訶薩成就如是不可思議功德勇猛成就  
一切衆生今時弥勒菩薩摩訶薩即從座起

頂禮佛足而白佛言世尊虛空藏菩薩摩訶  
薩以何因緣獨其頂上有此殊妙如意寶珠  
以無量釋迦毗楞伽寶而爲圍遶光明顯曜  
蔽於衆色不與諸餘菩薩摩訶薩等今時世  
尊告彌勒菩薩摩訶薩言是虛空藏菩薩摩  
訶薩具大慈悲能拔衆生危厄險難若有衆  
生犯根本罪應墮惡趣一切善根皆已燒然  
虛空藏菩薩摩訶薩是大無明邪見黑暗清  
淨朗日是滅根本罪者之大良師能拔疑箭  
破善法器能令完全善男子若有衆生犯波  
羅夷斷善根栽趣向地獄無所歸依智者所  
棄悉能濟拔開示真路能洒衆生臭惡煩惱

令離惡趣是昇人天解脫者。梯若有衆生貪  
愚惑亂能令覺悟。瞋恚害心及以癡暗。謗無  
因果放逸不信不畏。未來貪求無厭。極懷嫉  
妬。具十惡業。日夜增長。如此衆生。是虛空藏  
菩薩。摩訶薩能除如上諸重罪業。安處人天  
解脫之處。猶如大車善男子。是虛空藏菩薩。

摩訶薩是諸天世人所應尊重奉迎供養  
。今時彌勒菩薩摩訶薩白佛言。世尊云何名  
爲犯根本罪。波羅夷耶。若有衆生犯斯罪者  
善根燒然墮於惡趣。離安隱處永失一切天  
人之樂。是虛空藏菩薩摩訶薩能令此等諸  
惡衆生還得具足人天福樂。今時世尊告彌

勒菩薩摩訶薩善男子若灌頂刹利王有自在力犯五根本罪先所脩習皆悉燒然失安隱處遠人天樂墮於惡趣何等名爲五根本罪善男子所爲灌頂刹利王領國土有自在力取瓊婆物及四方僧物或教人取是則名犯初根本罪復次善男子灌頂刹利王領國土有自在力毀謗正法捨聲聞乘辟支佛乘捨無上乘又制他人不令脩學是名第二犯根本罪復次善男子灌頂刹利王領國土有自在力若復有人以如來故剃除鬚髮身被法服持戒毀戒有戒無戒脫其袈裟逼令還俗或加杖捶或復繫縛或截手足乃至斷命

自作使他造如此惡是名第三犯根本罪復  
次善男子灌頂刹利王領國土有自在力作  
五逆罪何等爲五一者殺母二者害父三者  
殺阿羅漢四者破和合僧五者出佛身血如  
是五無間罪若犯一者是則名爲犯根本罪  
是名第四犯根本罪復次善男子灌頂刹利  
王領國土有自在力謗無因果不畏未來造  
十惡業道亦教他人令行十惡是名第五犯  
根本罪善男子是名灌頂刹利五根本罪若  
犯一者此則名爲犯波羅夷先所脩習一切  
善根皆悉燒然離安隱處失人天樂墮於惡  
趣善男子是虛空藏菩薩爲此人故



起大慈悲現生邊地隨所應見現種種形或  
沙門像婆羅門像刹利長者居士等像而為  
其說一切種智甚深大乘未曾有法諸陀羅  
尼及忍辱地以如是等種種妙法而引導之  
灌頂刹利既聞法已心生慚愧極懷怖懼向  
說法者發露懺悔先所犯罪誓不更作安住  
布施持戒忍辱精進禪定智慧勤脩慈悲生  
人天樂般涅槃樂復次善男子大臣亦有五  
根本罪犯波羅夷若有犯者先所脩習一切  
善根皆悉燒然墮於惡趣離安隱處永失一  
切天人之樂何等為五謂彼大臣統理國土  
依倚王力取覓婆物及四方僧物或教人取

是則名犯初根本罪復次善男子若彼大臣  
統理國土依倚王力破壞村邑城郭國土或  
教人破是名第二犯根本罪復次善男子若  
彼大臣統理國土依倚王力毀謗正法捨聲  
聞棄辟支佛棄捨無上乘亦制他人不令脩  
學是名第三犯根本罪復次善男子若彼大  
臣統理國土依倚王力若見有人以如來故  
剃除鬚髮身被法服持戒毀戒有戒無戒脫  
其袈裟逼令還俗或加杖捶或復繫縛或截  
手足乃至斷命自作使他造如此惡是名第  
四犯根本罪復次善男子若彼大臣統理國  
土依倚王力作五逆罪何等爲五一者殺母

二者害父三者殺阿羅漢四者破和合僧五者出佛身血如是五無間罪若犯一者是則名為犯根本罪是名第五犯根本罪善男子是名大臣五根本罪若犯一者此則名為犯波羅夷先所脩習一切善根皆悉燒然離安隱處失人天樂墮於惡趣善男子是虛空藏

菩薩摩訶薩爲此人故起大慈悲現生邊地隨所應見現種種形沙門像婆羅門像刹利長者居士等像而爲其說一切種智甚深大乘未曾有法諸陋羅刹及忍辱地以如是等種種妙法而引導之彼時大臣旣聞法已心生慚愧極懷怖懼向說法者發露懺悔先所

犯罪誓不更作安住布施持戒忍辱精進禪  
定智慧勤脩慈悲生人天樂般涅槃樂

復次善男子聲聞亦有五根本罪犯波羅夷  
若有犯者先所脩習一切善根皆悉燒然墮  
於惡趣離安隱處失人天樂何等爲五謂殺  
生偷盜淫泆妄語出佛身血善男子是名聲

聞五根本罪若犯一者此則名爲犯波羅夷  
先所脩習一切善根皆悉燒然離安隱處失

人天樂墮於惡趣善男子是虛空藏菩薩摩  
訶薩爲此人故起大慈悲現生邊地隨所應  
見現種種形或沙門像婆羅門像刹利長者  
居士等像而爲其說一切種智甚深大乘未

曾有法諸阇羅尼及忍辱地以如是等種種  
妙法而引導之時彼聲聞既聞法已心生慚  
愧極懷恐怖向說法者發露懺悔先所犯罪  
誓不更作安住布施持戒忍辱精進禪定智  
慧勤脩慈悲生人天樂般涅槃樂復次善男  
子初發心菩薩趣向大乘有八根本罪犯波  
羅夷先所脩習一切善根皆悉燒然墮於惡  
趣離安隱處失人天樂亦失大乘境界之樂  
久在生死離善知識何等爲八謂彼菩薩宿  
業因緣生五濁世有餘善根近善知識歸趣  
甚深大乘之法發無上心智慧微淺是初發  
心菩薩又從他聞甚深空法讀誦受持復於

少智愚癡人前讀誦解說餘人間已驚疑怖  
畏於阿耨多羅三藐三菩提心生退沒樂聲  
聞乘是名初發心菩薩犯於第一根本重罪  
先所脩習一切善根皆悉燒然墮於惡趣離  
安隱處失人天樂及以大乘境界之樂壞菩  
提心是故菩薩宜應先知衆生善根及了彼  
心隨其所堪次第說法如入大海漸漸至深  
善男子是虛空藏菩薩摩訶薩隨其所應以  
種種形現生其土而爲說法今生慚愧於所  
犯罪發露懺悔不墮惡趣增進善根長養阿  
耨多羅三藐三菩提善男子又有初發心  
菩薩犯根本罪畏墮惡趣聞虛空藏菩薩摩

訶薩名至心願見欲發露懺悔所犯罪故於  
初夜後分燒堅黑沉水及多伽羅香至心合  
掌稱虛空藏菩薩摩訶薩名善男子時虛空  
藏菩薩摩訶薩隨其所應現種種形或現自  
身或聲聞身或刹利身婆羅門身乃至童男  
童女等身在彼犯罪初發心菩薩前教令發  
露懺悔除罪以善巧方便開示甚深無上正  
真大乘之行三昧揔持忍辱之地捨諸惡趣  
得不退轉阿耨多羅三藐三菩提心精勤修  
行六波羅蜜得力堅固猶如金剛乃至自得  
阿耨多羅三藐三菩提又善男子虛空藏菩  
薩摩訶薩若不現身在其人前教發露者是

初發心菩薩應於後夜合掌至心而向東方  
燒堅黑沉水及多伽羅香請明星言明星明  
星成大慈悲汝今初出照闇淨提大悲護我  
可爲我白虛空藏菩薩摩訶薩願小夢中示  
我方便發露懺悔犯根本罪今得大乘方便  
智眼善男子彼初發心菩薩即於夢中明相

出時虛空藏菩薩摩訶薩隨其所應而爲現  
身以諸方便令彼初發心菩薩發露懺悔先  
所犯罪示方便智令彼菩薩深懷驚怖於阿  
耨多羅三藐三菩提心得不忘三昧堅住大  
乘疾得滿足六波羅蜜不久成就一切種智  
復次善男子初發心菩薩語餘人言汝今不



能樂於大乘亦不能行六波羅蜜終不能得  
阿耨多羅三藐三菩提不如早發聲聞辟支  
佛心速盡生死入般涅槃餘如上說是名初  
發心菩薩犯於第二根本重罪復次善男子  
初發心菩薩語餘人言汝今何用受學波羅  
提木叉律儀當速發阿耨多羅三藐三菩提  
心受持讀誦大乘經典先所造作身口意業  
諸不善行當得清淨不受未來諸惡果報餘  
如上說是名初發心菩薩犯於第三根本重  
罪復次善男子初發心菩薩語餘人言汝今  
不應聽受讀誦聲聞經典汝當覆蔽聲聞經  
典聲聞法中無大果報不能斷除結使煩惱

汝當聽受讀誦清淨大乘甚深經典又能消  
除諸不善業疾得阿耨多羅三藐三菩提作  
此說已有信受者二人俱名犯根本罪餘如  
上說是名初發心菩薩犯於第四根本重罪  
復次善男子初發心菩薩欺妄兩舌希求名  
稱利養恭敬讚大乘經爲他解說而語人言  
我是善解摩訶衍者爲貪利故見他解說大  
乘經典得供養者憎毀輕疾而自貢高虛誑  
妄語得過人法作此行者離安隱處犯波羅  
夷於大乘中爲犯最重根本罪也善男子譬  
如有人欲趣寶洲乘船入海而於中路自壞  
其船沒溺而死不自濟命豈能得寶如初發

心菩薩亦復如是乘正信船入於大乘深廣  
法海始得入海自壞信船失智慧命如是愚  
癡初發心菩薩以嫉妬故虛誑妄語得過人  
法而犯大乘重根本罪餘如上說是名初發  
心菩薩犯於第五根本重罪復次善男子未  
來世中初發心菩薩語在家出家初發心菩  
薩言脩多羅中甚深空義及以三昧諸陀羅  
尼忍辱之地種種莊嚴是大明智諸菩薩等  
所可觀行受持讀誦大乘經典又能為他分  
別演說我自解了以慈悲故為汝等說汝等  
亦當隨所說行於深妙法而得知見彼初發  
心菩薩不作是言我讀誦思惟從他聞解而

言自得皆是貪求利養因緣而自銜賣違負  
三世諸佛菩薩及衆賢聖犯於大乘最深重  
罪失人天路尚不能得聲聞辟支佛乘何由  
漸進到於大乘善男子譬如有人將導衆人  
遊行曠野經過叢林極大飢渴見彼林中有  
諸美菓而棄捨之取於毒菓食已命終善男  
子彼人猶尚不能自濟況復兼能度於餘人  
彼初發心菩薩亦復如是人身難得今已得  
之遇善知識發大乘心而貪利養輕自銜賣  
犯重根本罪違負三世諸佛菩薩為諸賢聖  
之所棄捨墮於惡趣是故婆羅門刹利毗舍  
首陀羅不應親近此惡菩薩若親近者亦皆

得罪餘如上說是名初發心菩薩犯於第六  
根本重罪復次善男子未來惡世初發心菩  
薩造作諸雜旃陀羅行謂利利旃陀羅婆羅  
門旃陀羅大臣旃陀羅大將軍旃陀羅毗舍  
旃陀羅首陀羅旃陀羅何等名爲旃陀羅義  
彼謂造作諸惡心業此惡比丘自言智慧自

恃財寶行於布施放逸憍慢瞋嫌憎嫉餘善  
比丘共相鬪諍恃王臣力取善比丘物以奉  
大臣大臣得已傳以上王佛法僧物亦復如  
是善男子王與大臣及惡比丘犯根本罪餘  
如上說是名初發心菩薩犯於第七根本重  
罪復次善男子未來惡世初發心菩薩造作

諸雜旃陀羅行謂刹利旃陀羅婆羅門旃陀羅大臣旃陀羅大將軍旃陀羅毗舍旃陀羅首陀羅旃陀羅此惡比丘恃怙國王及大臣力自言智慧自恃財寶行於布施輕戲毀辱諸善比丘鬪諍惱亂法說非法非法說法捨正經律顛倒義論斷學般若離慈悲心不信如來所說經典巧方便戒違法立制令諸清淨善行比丘廢於坐禪讀誦經典無苦惱者生其苦惱有苦惱者復令增長恒懷惡心壞善威儀行住坐卧無復時節毀禁破戒實非沙門自言沙門實非梵行自稱梵行不解經典爲他解說邀致四衆供養恭敬善男子王與

大目及惡比丘犯根本罪餘如上說是名初發心菩薩犯於第八根本重罪善男子彼善比丘坐禪誦經皆是佛法出要正因是上福田又是忍辱三昧法器能說妙法成就衆生破無明黑暗開世間眼濟拔衆生煩惱業惡若彼惱亂故犯重罪是善男子犯八根本重罪者未能深入於佛正法以功德智慧極微妙故善男子是初發心菩薩犯此八根本重罪已先所脩習一切善根皆悉燒然犯波羅夷離安隱處失人天樂及以大乘境界之樂壞菩提心墮於惡趣輪迴生死離善知識善男子是虛空藏菩薩摩訶薩現種種形示生

其土或現刹利形或現婆羅門形或現聲聞形或現辟支佛形乃至童男童女等形在彼犯罪初發心菩薩前而為說法令生慚愧極大驚怖又教發露懺悔除罪以善巧便開示甚深無上正真大乘之行三昧摠持忍辱之地捨諸惡趣得不退轉阿耨多羅三藐三菩提心精進脩行六波羅蜜得力堅固猶如金剛乃至疾得無上菩提又善男子虛空藏菩薩摩訶薩若不現身在其人前教發露者是最初發心菩薩應於後夜合掌至心而向東方燒堅黑沉水及多伽羅香請明星言明星明星成大慈悲汝今初出照閻浮提大悲護我



可為我白虛空藏菩薩摩訶薩願於夢中示  
我方便發露懺悔犯根本罪令得大乘方便  
智眼善男子彼初發心菩薩即於夢中明相  
出時虛空藏菩薩摩訶薩隨其所應而為現  
身以諸方便令彼初發心菩薩於所犯罪深  
懷驚怖示方便智令彼菩薩發露懺悔於阿  
耨多羅三藐三菩提心得不忘三昧堅住大  
乘疾得滿足六波羅蜜不久成就一切種智  
善男子彼虛空藏菩薩摩訶薩勇猛饒益一  
切衆生故其頂上特有如此如意寶珠復以  
無量百千釋迦毗楞伽寶而為圍繞下與一  
切諸菩薩等善男子是虛空藏菩薩摩訶薩

成就如斯不可思議方便智慧復次善男子  
若有衆生聞虛空藏菩薩摩訶薩名或造形  
像或設供養是人現世無諸災患水不能漂  
火不能燒刀不能傷毒不能中人及非人無  
能爲害亦無囚圜盜賊怨家諸惡疾病飢渴  
之苦隨壽長短必無夭橫臨命終時眼不見

色耳不聞聲鼻不聞香舌不知味身不覺觸  
手足諸根不能爲用唯餘微識及身溫煖時  
虛空藏菩薩摩訶薩隨彼衆生所事之神而  
現其身或轉輪聖王身或提頭賴吒身或毗  
沙門身或毗樓勒迦身或毗樓博叉身或餘  
天身或龍夜叉軋闍婆阿脩羅迦樓羅緊那

羅摩昧羅伽人非人等身在其人前而說偈言  
四聖諦義智者應觀若解了者能離生死  
善男子時彼衆生於命臨終既見其替所事  
之神又聞為說如此要偈既終之後不墮惡  
趣因斯力故速免生死又善男子若有衆生  
心樂佛法虛空藏菩薩摩訶薩於其臨終而  
現佛形為說偈言

佛智真實度生死海速求佛智得盡諸苦  
善男子時彼衆生得見佛身又聞此偈至心  
觀察歡喜踊躍不能自勝命終之後得生淨  
國永不更在五濁世界常獲親近彼佛如來  
又聞妙法不久當得阿耨多羅三藐三菩提

善男子是虛空藏菩薩摩訶薩隨彼衆生臨  
終之時應聞妙法及應見僧亦皆普示善男  
子是虛空藏菩薩摩訶薩成就如此不可思  
議方便智慧復次善男子種種衆生欲得三  
昧自在之力應於後夜淨自洗浴著新潔衣  
燒堅黑沉水及多伽羅香於一切衆生起慈  
悲心向於東方至心合掌稱虛空藏菩薩名  
而作是言憶持大智虛空藏得大慈悲唯願  
施我不忘三昧即便說此陀羅尼言

毆於右漏母漏諾去支博楚垢底都履

皆隸同吳音娑勿陀羅娑步可頽都隸柰下

夜柰夜 摩訶迦樓尼迦 阿耨 播闍

市鹽婆

薄賀反

閣婆皆同

悉寐

莫履反

栗底

巨左反

羅閣婆悉寐栗底跣

薄葛反

閣邏閣

婆

悉寐栗底

盧舍悉寐栗底

阿婆

步可反

遮

柰悉寐栗底

浮侈

邪賀反

俱致悉寐栗底

娑婆呵

善男子是虛空藏菩薩摩訶薩即令彼人得

於三昧自在之力復次善男子若有衆生樂

欲讀誦種種書論欲伏衆生所謂彼論或是

佛說或菩薩說或聲聞說或世人說是人應

於後夜淨白洗浴著新潔衣燒堅黑沉水及

多伽羅香於一切衆生起慈悲心向於東方

至心合掌稱虛空藏菩薩摩訶薩名而便誦

此陀羅尼

阿祢反奴履反邏閣鞞步兒反鈴巨耽反浮娑閣鞞

耶婆柰閣鞞初器反娑迷莫隸反波音讀之

吒張伽反邏閣鞞他柰婆邏鞞薩始達反多

邏伽巴荏反邏泥奴帝反休磨武佐反休磨磨

訶伽樓尼迦 娑婆訶

善男子是虛空藏菩薩摩訶薩即令彼人得

於憶持不忘之力善男子若有衆生欲入大

海欲為商賈欲服湯藥而求力驗欲脫繫縛

欲脫枷鎖欲求免脫輸送財物若愛別離若

怨憎會欲避水火欲避盜賊欲避師子欲避

虎狼毒蛇之難欲免疾病飢渴之患欲求尊

位有如是等諸所求欲稱虛空藏菩薩摩訶  
薩名恭敬供養虛空藏菩薩摩訶薩皆令滿  
願復次善男子若有王子貪樂王位欲希灌  
頂得自在力應於後夜淨自洗浴著新潔衣  
燒堅黑沉水及多伽羅香於一切衆生起慈  
悲心向於東方至心合掌稱虛空藏菩薩摩

訶薩名而便誦此陀羅尼呪

阿祢

反奴履

邏闍鞞

下步兒反

鈴

反巨耽

浮沙闍鞞

耶婆柰闍鞞

博廁

反初器

婆迷

音莫餘反吳

波

吒

反張伽

邏闍鞞

他柰婆邏鞞

薩

反始達

多

邏伽

反已位

邏涅

反奴帝

休磨

下武佐反

休磨摩訶

迦樓尼迦

娑婆訶

善男子是虛空藏菩薩摩訶薩皆令彼人得  
滿所願復次善男子若有婆羅門衆願樂欲  
得大婆羅門處復有衆生求長者處或居士  
處或工巧處或多聞處或威力處或思惟處  
或解脫處應於後夜淨自洗浴著新潔衣燒  
堅黑沉水及多伽羅香於一切衆生起慈悲  
心向於東方至心合掌稱虛空藏菩薩摩訶  
薩名而作是言唯願施我大慈悲力今我所  
求疾得滿足時虛空藏菩薩摩訶薩以淨天  
耳聞彼請已隨其所應現種種形而爲說法  
令彼所願皆得滿足善男子是虛空藏菩薩  
摩訶薩成就如是不可思議方便智慧久已



得入佛功德海善男子大海之水乃可有人  
能知滴數無能測量虛空藏菩薩摩訶薩巧  
方便智成就衆生之限數也又善男子虛空  
之量尚可得知無有能知虛空藏菩薩摩訶  
薩所可成熟種種衆生及其變化或作佛形  
或菩薩形辟支佛形或聲聞形婆羅門形或  
童男童女形乃至人非人等形各隨所應或  
今日覩或使夢見若有衆生臨命終時唯除  
最後極微一息先造惡業燒諸善根當墮惡  
趣是虛空藏菩薩摩訶薩皆能拔濟令得安  
立天人之路如斯等事之邊際者善男子是  
虛空藏菩薩摩訶薩成就如此不可思議巧

方便者佛功德海久已得入善男子以此緣  
故頂上特有如意寶珠以百千釋迦毗楞伽  
寶而爲圍遶有大光明當於如來說此法時  
一切大衆咸生竒特歎未曾有皆悉合掌向  
虛空藏菩薩摩訶薩時虛空藏菩薩摩訶薩  
即從座起偏袒右肩長跪合掌而白佛言世  
尊今此世界具於五濁衆生愚暗云何世尊  
能於其中施作佛事尔時世尊告虛空藏菩  
薩摩訶薩言善男子汝見虛空無有貪欲無  
瞋無癡自性清淨風塵暗障以爲不淨旣澄  
明已即見日月星辰及知刹那那羅娑時數善  
男子如來久於第一義空已得自在見一切

法無有貪欲瞋恚愚癡無縛無解自性清淨  
但以衆生客塵煩惱之所覆障不能覺悟如  
來慈悲爲此等故方便說法而爲除斷客塵  
煩惱開其智眼使見如來淨日照明現在獲  
覩甚深妙法四念處法乃至八聖道法令諸  
衆生建立安住又令疾發阿耨多羅三藐三  
菩提心得大慈悲乃至具足十八不共法成  
一切種智善男子如來出世則能成熟諸菩  
薩衆及以緣覺聲聞之衆善男子今是虛空  
爲倚於眼爲倚眼識爲倚眼觸而得住耶虛  
空藏菩薩摩訶薩白佛言不也出尊佛言善  
男子爲是內起眼觸之緣生彼三受而倚空

耶虛空藏菩薩白佛言不也出尊佛言善男子耳鼻舌身意亦復如是佛言善男子衆生今者爲倚於空爲是虛空倚於衆生虛空藏菩薩白佛言世尊各各相倚互作境界又復各各不爲境界一切諸法皆悉空寂一切諸法皆悉虛假一切諸法皆依如及以實際世

尊猶如虛空無壞無成無憶想分別無動無搖無愛無憎無芽無種子無果無業無報離於文字世尊一切諸法亦復如是菩薩若知此者是名善知諸法之性得無生忍今時虛空藏菩薩摩訶薩即說陀羅尼言

阿菟

反奴侯

柰阿婢

反夫者

婆

反薄

賀

邏闍

反市

夜

摩

莫可反菟反奴后反义夜反視柰反視柰反闍柰反毗反夫

磨反武佐反同反牟反呵羅阿柰夜反頗邏反力可反

同反曰呵反乎賀反揭反巨謁反婆祢反奴履反婆反薄賀反藪毗反

薄履反柰夜反藪舍舍婆反舍柰磨舍柰頌反

下都反同反他反吐賀反磨柰未兜梵反扶豔反毗沙反所賀反

舍磨反支頌柰反柰反已紙反黎舍菴反於甘反復反狀互反

僧輸沙反踈馬反泥反奴帝反娑婆呵反

尔時世尊告虚空藏菩薩摩訶薩言善哉善

哉汝今說此無盡降伏師子奮迅陀羅尼一

切眾生臨命終時最後神識有重煩惱障及

重惡業此陀羅尼悉能燒然令得往生清淨

佛國善男子汝今善能以此成熟無量眾生

又能成熟無量佛刹村國城邑一切衆生又  
隨所應現種種形又隨其根說種種法或爲  
演說大乘經典開深法門若沙門旃陀羅婆  
羅門旃陀羅刹利旃陀羅毗舍旃陀羅首陀  
羅旃陀羅此諸人等所犯重罪以因汝故悉得  
燒然今於善法建立增長尔時世尊而說偈言  
衆生諸貪諍 皆因諸根起 若能攝諸根  
疾得於解脫

尔時如來說此經已有十千人天得無生法  
忍無量人天得諸三昧又無量人天得陀羅  
尼又無量人天逮得忍辱又無量人天於十  
地中各得增進尔時世尊告阿難及弥勒菩

薩摩訶薩言汝等應當恭敬奉持此經。爾時  
阿難及彌勒菩薩即從座起，偏袒右肩，長跪  
合掌，白佛言：世尊，此妙經典，我已受持，當何  
名此經？佛言：善男子，此經名懺悔盡一切罪  
隨羅尼經，亦名不可思議方便智救濟一切  
衆生經，亦名能滿一切衆生所願，如如意寶  
珠經，亦名虛空藏菩薩經。如是奉行阿難當  
知，若有善男子、善女人，久發阿耨多羅三藐  
三菩提心，於無量百千阿僧祇劫，脩行六波  
羅蜜，於十方世界一切佛所，種種供養，乃至  
滿無量阿僧祇恒河沙劫，不如有人讀誦書  
寫，爲人解說，虛空藏菩薩經，及持名號，比前

功德百分千分百千万億分不及其一筭數  
辭類所不能知尔時阿難及弥勒菩薩白佛  
言世尊我當如是奉持時諸大眾聞佛所說  
歡喜踊躍以諸供具供養於佛

虚空藏菩薩經

民

善脫

下徒活反

欸然

上許勿反

聲咳

上苦頂反下苦

愛反出聲也

菟馱

上奴侯反

刺木

上郎達反下丘

遊踐

下音賤也

融朗

上余反

翹翹

音同

兩木石之精也

漸

七焰反

應和

二字並

攔楯

也君惜

上良刃反

瞻荀

上之廉反

棠觸

上直耕反

鄜邑

上直連

階陛

下蒲米反

豪桀

音毫謂



彙 富雄 曹倫 上直 又 下羊鎮 癡殘 上直 中樓

槽 上音魯 樓也 馳哉 上使史二 搥膏 上直 嗚咽

下於結反悲 積 子智 反 號慟 上音毫 下音洞 倫匹

字 驚惋 下鳥貫反 悲愕 反驚也 豁然 上呼 簡饒

上戶交反 下時扇反 沛 字泊然 上音魄 枿 反擊

亦作膳 一食也 炫晃 上音縣 下胡 所暴 下蒲木反 突 字

同也 二 廣之七 明 日 乾也



猪飼順良壽附

不言

